

2001-09-12
aurkibidea**EUSKAL HERRIA** 4
Adostasun zabala presoan sakabanaketa salatzeke

Eusko Jaurlaritzak, EAJk, EAK, EB-IUk, ELAk eta LABek salatu dute euskal presoan sakabanaketa. PPK eta PSOEk kritikatu egin dute haien jarrera.

EUSKAL HERRIA 5
Romanok ikusmena galduta izan du bi egunez

Unai Romano, Guardia Zibilak atxilotutako gasteiztarra, lepokoa duela azaldu da epailearen aurrera. Kolpe baten ondorioz ikusmena bi egunez galduta izan duela salatu du.

EUSKAL HERRIA 10
Tabakoa salgai, edo ez

Bilboko epaitegiak datorren astean erabakiko du Bizkaiko Laringaktomizatuen Elkarteak eskatutakoari baiezta eman edo ez: tabakoaren salmenta debekatzea.

NAZIOARTEKOA 28
25. Diada

Diada Herri Katalanen 25. aberri eguna ospatu dute herritarrek. Elkarkidetza Autonomikorako Legea salatu dute alderdi politikoei.

KIROLA 33
Euskadiko sokatiralariak, nazioen lehiatik at

Euskal Herriko sokatira taldeek nazioarteko lehiaketetan, nazio mailan, Espainiaren izenean parte hartu beharko dute, haren ikur guztiekin. Hala berretsi du nazioarteko federazioak.

KULTURA 44
'Bambulo', oholtza gainean

Txalo antzerki taldeak *Bambulo* taularatu du gaur lehenengo aldiz, Bernardo Atxagak sortutako izen horretako pertsonaia oinarrituta.

euskaldunon 3.344. zenbakia
Egunkaria

Ohorezko Lehendakaria: Martin Ugalde

Administrazio Kontseiluko Lehendakaria: Joan Mari Torrealdai

Kontseilari Ordezkarria: Iñaki Uribe

Zuzendaria: Martxelo Otamendi

Gerentea: Mikel Sorozabal

Publizitatea: Idoia Sanz

Egoitza Nagusia: Gudariaren etorbidea, z/g 20140 Andoain Tel.: 943300222
Erredakzio faxa: 943300255-943590354 Publizitateko faxa: 943300707

Webgunea: www.egunkaria.com

Posta elektronikoa: egunkaria@egunkaria.com

Publizitatea: publi@egunkaria.com

Batzorde Parekidea: 7264 E Lege Gordailua. SS 800/90 ISSN 1134-640X
OJDK IKUSKATURIKO HEDAPENA

ORDEZKARITZAK ■ **Araba:** San Antonio, 20-1 ezker. 01005 Gasteiz
Tel.: 945233872 Faxa: 945233873 Publizitatea: Tel.: 945131965

Nafarroa: Irabie Monasterioa, 45-13. esk. (Irrintzi dorrea) 31011 Iruñea
Tel.: 948178078-79 Faxa: 948178077 Tel.: Publizitatea: 948176686

Bizkaia: Egia Jenerala, 3-behea. 48010 Bilbo Tel.: 944104046 Faxa: 944103715
Tel.: Publizitate Orokorra: 944701199-80 Publizitate Lokala: 944701114

Lapurti, Nafarroa Beherea, Zuberoa: Pelletier 35, 1 503 Posta
kubxtilla, 64100 Baiona Tel.: 559593575 Faxa: 559257511

**udamina**

Pako Aristi

**Gosea,
maitasuna**

Duela gutxi ezagutu dut goizero kanposantura doan emakume bat. 24 urte daramatza hori egiten. Eta han ezagutu omen du azken hiru urteotan egunero doan beste gizon bat. Bada jendea egunero bere porrotak eta atsekabeak bisitatzen dituen, galdu ziren pertsonak edo harremanak une batez berpizten saiatzen dena, eta inoiz ez dugu jakingo zergatik, baina hori behar dute bizitzeko.

Gizakiok oroimenarekin daukagun harremana latza da, bihurria. Amodioak gehien errepikarazten dizkigun hitzak hauek dira: «Ez nazazu ahaztu», «gogoratu nirekin», «zutaz asko pentsatzen dut», «ezin zaitut burutik kendu». Norbait hiltzen denean (edo dutenean), esaldi nagusia hau izaten da: «Gure memorian bizirik jarraituko du». Memoria bizitza dela iruditzen zaigu, eta memoriaren iraupena heriotza organikoa gainditzen duen lorpen garrantzitsua.

Oraina bizitzera kondenatuak gaude, baina horrek ez gaitu asetzen, eta beti gabiltza iraganarekin, etorkizunarekin eta beste pertsona batzuekin lotuko gaituzten hariak eraikitzen gure baitan. Amaren osasunarekin oroitzen gara, umea eskolan nola egongo ote da pentsatzen dugu, asteburuan egingo dugun irtenaldian nola ibiliko garen, gure proiektu berriak izango duen harreran.

Desanparoaren belduritsuak ilusio eraikitzailea bilakatzen gaitu. Esan zuen Ramiro Fonte idazle galiziarrek: «Ametsak bizitza zeharkatzeko zubiak dira». Desarraigoa zer da? Inor ez ezagutzea, inor gurekin ez gogoratzea. Norbaiten bihotzean gaudela jakiteak nolako bizindarra sortzen digun!

Oroimena gure bizitzaren oinarria da, eta ematen digunaren eta eskaintzen diogunaren arteko oreka lortzea ezinbestekoa da lasaitasuna lortzeko. Billie Holliday kantariak zera idatzi zuen; «Diote nik bezala ez duela inork 'gosea' hitza kantatzen. Ezta 'maitasuna' hitza ere». Eta gero zioen hark baze kiela zerbait bi hitz horiei buruz. Haren oroimena gosez eta maitasun beharrez beteta zegoen. Baina oroimen hori Holliday oraina intentsitatez bizitzeko erabiltzen zuen, hobeto kantatzeko, jendea dardaraz jartzeko. Desanparoa erakusten zuen, besteek desanparoa bere hitzen bitartez ezagutu zeza ten, horrela haiei desanparoaren ezagutzen zuzena saihestuz.


Oroimena lagun hartzea da bizitzan asmatzeko biderik nagusia.

hizpideak**Atentatuak
EEBBen
bihotzean**

Denbora beharko da atzo EEBBetako gune estrategiko, ekonomiko eta militarren aurka egindako atentatuaren ondorioak neurtzeko. Nola hildakoen kopuruan hala arlo ekonomikoan ondorioak izan dituzte atzoko ekintza hiltzaileek, baina bereziki ondorio estrategikoak izango dituzte. Etsai asko dauzkate Estatu Batuek munduan eta baliteke epe luzera Washingtonek ongi hausnartzea munduko gatazka eta zoko askotan duen funtzioa. Uste baino ahulagoa agertu da Estatu Batuen segurtasuna atzoko ekintzetan.

Aurrekarietara errepikatuz, gerrillari islamistak egon litezke inoiz gerra estandarretik kanpo egin den erasorik gogorrenaren eta prestatuenaren atzean; talde bakarra izatea zaila da. Mendekuzko zigor bortitza eragiteaz gain, Estatu Batuen hauskortasuna erakutsi nahi izan dute atzoko ekintzaile suizidek. Etsai formalei aurre egiteko daude prestatuta estatubatuarrek, eta horrela ulertu behar da *misilen aurkako aterkia* sustatzeko Bush presidentearen duen borondatea.

Baina atzoko atentatuak erakutsi dute erasoak ez direla etorkizunean ohiko bidetik iritsiko.



World Trade Centerren inguruak, txiki-txiki eginda.



Francisco Escudero (erdian), artxiboko irudian.

**Autodeterminazio
eskaera Diadan**

Herri katalanen Aberri Eguna ospatu zuten atzo hango abertzaleek. UDC eta CDC alderdiek Madrilgo Gobernuak autonomia mugatzeko egin nahi duen mugimendua salatu zuten, PPK Elkarkidetza Autonomikorako Legea indarrean jarri nahi baitu. Lege horren arabera, autonomia erkidegoen lege proiektuak gainbegiratzeko ahalmena luke Madrilgo Gobernuak, eta, hori dela eta, alderdi horiek gogor salatu zuten Aznarren asmoa. Bestetik, Maresme eskualdeko udal ugariak Autodeterminazio eskubidearen aldeko mozioak onartu zituzten atzo, autonomiaz gain Herri katalanek autodeterminatzeko duten eskubidea aldarrikatuz.

**Escuderoren omenaldia,
berandu baino lehen**

Francisco Escudero konpositore zarauztarra oso larri egon da, eta, heriotza arriskutik atera arren, ez dago sasoi onean. Laurogeita zortzi urte ditu, hamasei urte zituenetik konposatzen jardun da. Musika aldetik balio handia, originaltasuna eta gutxiak lortutako teknika landua eta berri-tzailea dute haren obrek. Euskal Herrian den konpositore garrantzitsuenetakoa da, baina ezezaguna askorentzat; omendua, saritua, baina ez grabatua. Bere sinfonia esanguratsuenekin bi disko grabatzen ari da egunotan Euskadiko Orkestra Sinfonikoa, berandu baino lehen, konpositorearentzat bere obra ezagutarazten eta interpretatzen ikustea baino omenaldi hobeagorik ez dagoela ohartuta.